

Na osnovu člana 121. Zakona o visokom obrazovanju Kantona Sarajevo („Službene novine Kantona Sarajevo“, 36/22), člana 234. Statuta Univerziteta u Sarajevu, Odluke Vijeća Univerziteta u Sarajevu – Pedagoškog fakulteta broj: 23-01-315/25 od 12. 2. 2025. godine i Odluke Senata Univerziteta u Sarajevu broj: 01-2-123/25 od 26. 2. 2025. godine

UNIVERZITET U SARAJEVU – PEDAGOŠKI FAKULTET  
OBJAVLJUJE KONKURS  
za izbor akademskog osoblja

1. Nastavnik u zvanje redovnog profesora za naučnu oblast *Intelektualne i razvojne teškoće*–1 izvršilac (radni odnos na neodređeno vrijeme sa punim radnim vremenom)

### Uvjeti

Pored općih uvjeta propisanih Zakonom o radu FBiH potrebno je da kandidat ispunjava uvjete iz člana 111, 112, 128. Zakona o visokom obrazovanju ("Sl. novine Kantona Sarajevo" br. 36/22) su sljedeći:

**redovni profesor:** proveden najmanje jedan izborni period u zvanju vanrednog profesora, minimalno osam naučnih radova u priznatim publikacijama objavljenim nakon izbora u zvanje vanrednog profesora, od čega su četiri naučna rada objavljena u publikacijama indeksiranim u relevantnim naučnim bazama, dvije objavljene knjige, dva originalna stručno-naučna djela kao što je projekt, patent ili originalni metod, te uspješno mentorstvo najmanje tri kandidata za stepen drugog ciklusa/integriranog studija odnosno ekvivalenta i jednog kandidata trećeg ciklusa studija odnosno ekvivalenta.

Član akademskog osoblja u zvanje redovnog profesora može biti izabran i prije isteka perioda na koji je biran ukoliko ispuni uvjete za izbor u više akademsko zvanje, propisane članom 128. Zakona o visokom obrazovanju ("Službene novine Kantona Sarajevo" broj 36/22).

Kandidati za izbor u akademska zvanja uz svojeručno potpisanu prijavu na konkurs obavezno prilažu sljedeće:

- a. biografiju (CV) i spisak objavljenih naučnih radova, projekata, patenata ili originalnih metoda iz oblasti za koju se vrši izbor, kao i radove (u elektronskoj i štampanoj varijanti);
- b. diplomu o stečenom naučnom stepenu doktora nauka ili diplomu o završenom III ciklusu studija sa dodatkom diplomi – ovjerenu fotokopiju;
- c. diplomu o stečenom naučnom stepenu magistra ili diplomu o završenom II ciklusu studija sa dodatkom diplomi – ovjerenu fotokopiju;
- d. diplomu o završenoj odgovarajućoj visokoj stručnoj spremi (VSS) ili diplomu o završenom I i II ciklusu studija sa dodatkom diplome – ovjerenu fotokopiju;
- e. prijevod(i) gore navedene(ih) diplome(a) – original(i) ili ovjerenu(e) fotokopiju(e);
- f. rješenje(a) o priznatim inostranim visokoškolskim kvalifikacijama ukoliko su gore navedene diplome stečene van područja BiH – original ili ovjerenu fotokopiju;
- g. listu objavljenih knjiga, udžbenika i naučnih radova, kao i same knjige i radove, s vidljivim dokazom o objavljivanju istih;
- h. podatke o nagradama i priznanjima u vezi s odgovarajućom naučnom oblasti ukoliko ih kandidat posjeduje;
- i. kandidati za izbor u zvanje vanrednog ili redovnog profesora prilažu potvrdu o provedenom najmanje jednom izbornom periodu u prethodnom zvanju;
- j. dokaz o uspješno obavljenom mentorstvu kod izbora u odgovarajuće akademsko zvanje;
- k. izvod iz matične knjige rođenih – original ili ovjerenu fotokopiju;
- l. uvjerenje o državljanstvu – original ili ovjerenu fotokopiju;
- m. dokazi propisani članom 128. stav (b) Zakona o visokom obrazovanju Kantona Sarajevo („Službene novine Kantona Sarajevo“, 36/22) u slučaju da se radi o kandidatima koji ispunjavaju uslove za izbor u više zvanje prije isteka roka na koji su birani;
- n. ostalu dokumentaciju (reference) kojom kandidat dokazuje da ispunjava uvjete za izbor u zvanje.

Navedena dokumentacija u štampanoj formi dostavlja se u originalu ili ovjerenoj kopiji.  
Kandidati koji su diplome stekli u inostranstvu prilažu rješenje o nostrifikaciji diplome, odnosno rješenje o priznavanju stečene inostrane visokoškolske kvalifikacije ili potvrdu da je spomenuti postupak pokrenut.

Kandidat zasniva radni odnos u skladu s Odlukom o izboru u akademsko naučno-nastavno zvanje Senata Univerziteta u Sarajevu.

Kandidati su dužni da pored navedene dokumentacije dostave i ostalu potrebnu dokumentaciju kojom dokazuju da ispunjavaju uvjete za izbor u skladu sa Zakonom i Statutom.

Konkurs ostaje otvoren 15 dana od dana objavljivanja. Prijave sa traženom dokumentacijom dostavljaju se lično na protokol ili putem pošte s naznakom:

**Univerzitet u Sarajevu – Pedagoški fakultet**  
**Služba za pravne i administrativne poslove**  
**s naznakom „PRIJAVA NA KONKURS ZA IZBOR AKADEMSKOG OSOBLJA“**  
**Skenderija 72**  
**71000 Sarajevo**

Detaljnije informacije mogu se dobiti u Službi za pravne i administrativne poslove – kontakt osoba Binasa Nikšić, dipl. iur., telefon: + 387 33 20 45 49, e-mail: [bniksic@pf.unsa.ba](mailto:bniksic@pf.unsa.ba)

**Nepotpune i neblagovremene prijave neće se uzeti u razmatranje.**